

Государственн Аамшг уга бӕӕлгългънӕ туск Хальмг АССР-н органсин сонъсхвр

Хальмг АССР-н газриг советск цергс сулдхсна даруд болн терунӕ хӕдтк джилмудт, Аамшг уга бӕӕлгънӕ Государственн органс Яшалтинск районд немецк-фашистск булагъачнр болн Тӕрскндӕн урвач улсас теднд нӕкд болачнр ӕвртӕ ик хорлтта йовдл гаргъсна тускар ик олт документс болн материал цуглулдж авсмн.

Гаргъсн гемин даалгъврас ӕгъвӕд ӕвртӕ ик хорлт гаргъсн улсин кесгнӕ 1943 джилд, немшин зулсн цергуд дахдж зулад, сӕл цаг кӕртл Советск Союзин олт-зӕсн райодт бултад, советск йосна засгла харгълго йовсмн.

Аамшг уга бӕӕлгънӕ Государственн органс хӕӕдж олад, 1958 джил теднӕс иим улсиг бӕрӕнд авб: Яшалтинск полицин начальник бӕӕсн Миллер А. В., Яшалтинск полицин ах полицейск бӕӕсн Демьяновский А. Т., Яшалтинск района Шенфельд селӕнд ах полиц бӕӕсн Бедрик А. И., Шенфельд селӕнд полиц бӕӕсн хойр нертӕ йовсн Волчанов-Волчан П. И., Яшалтинск районд полицнр бӕӕсн Прохвятилов П. И. болн Дыгай Д. Ф.

Олт герчнрин заалгънас, заргъин экспертизин хӕлӕврин ашас, немецк-фашистск оккупантнр цаг-зуур эзлсн газртан хорлтта йовдл гаргъсиг мӕшклгънӕ Государственн Чрезвычайн Комиссин актас иш авад, заргъин ӕмн кесн мӕшклгъӕр цуглулдж авсн герчлгъӕр и и г д ж б а т л г д в: Миллер, хойр нертӕ Волчанов-Волчан, Бедрик, Демьяновский, Прохвятилов болн Дыгай полицд церглсн цагин туршартан шунмгъагъар хорлтта кӕдлмш кӕцӕдж йовцхадж, советск граждансиг олар хадж аллгънд бийсн орлцдг бӕӕдж, тиигхлӕрн кӕгшдӕдиг чигн, кӕӕкд улсиг чигн, бичкн кӕӕкдиг чигн ӕрвдлго бӕӕдж.

Миллер болн энӕнӕ гарт кӕдлджӕх полицейцнр нег ӕлӕ оршӕнӕгъӕ угагъар коммунистнриг болн советск талин шунмгъа церглӕчнриг зовадг бӕӕцхадж, немецк оккупантнрин ӕмнӕс советск гражданс зӕрлцлгъ кехӕр с е д л г ъ и н ь

а в р л т угагъар д а р ц хадг бӕӕдж, тиигхлӕрн патристическ кӕдлмш кеджӕнӕ гидж хард авсн улсан алад уга кесн деерӕн, теднӕ гер-бӕлинь, бичкн кӕӕкдигн чигн алад уга кецхадг бӕӕдж.

Мӕшклгъ кеснӕ ашднӕ Яшалтинск района газрнӕ оккупацд бӕӕсн цагин эргцд Миллер болн бӕрӕнд авгдсн талин полицейцнр орлцлгътагъар хадж, дӕӕджлдж болн талданар зовадж алгдсн советск гражданс улсин тонь 160 даву болв, энӕнӕ тоод хойрас ӕдӕн наста кесн олт бичкн кӕӕкд йовна.

Миллерин болн бӕрӕнд авгдсн талдан полицейцнрин гарар алгдсн советск патриотнр иим: Говенко И. Т., энӕнӕ кӕӕкднӕ Говенко Наталья, комсомолк, оккупацин урд сургъулин багш кӕдлджӕсн, 16 наста Говенко Груня, 8-ч классин сургъульч, комсомолк; хӕӕч Макушенко К. А., Красно-Михайловск больницин эмч Шульгина Ф. М., Сладковск сельсоветин Сталинӕ нертӕ колхозин парторг Тянунов А. Л., Будульчинеровск сельсоветин ахлӕч Кадаев Э. Б., прокурорин дарук Болинов И. Я., Ждановин нертӕ колхозин ахлӕч Ширкинов Т. С., «Советск Хальмгин 10 джилин ӕдӕн» нертӕ колхозин парторг Кортеев В. И., Чоносовск МТС-н директор Барзуев С. С., Хальмг мӕртӕ цергин 112-ч дивизин полкин штабин начальник Манчикаев Александр, Багъ-Тугтна сельсоветин ахлӕч Третьякова Е. Ф., ВЛКСМ-н района комитетин сеглӕтр Чекурова П. П., коммунистнр Скосарев М. Д., комсомолк Харченко Т. А. болн нань чигн советск гражданс.

Советск граждансиг уга кедж аллгън оршӕнӕгъӕ уга ик зовалгътагъар кегдлг бӕӕдж. Коммунистнриг хадж алхиннӕ ӕмн Миллер болн наадк полицейцнрнӕ чигн, цань уга кевӕр зовагъад, нӕдин сохлад, гарин арсинь, хургън хоорндагъурнӕ утхар керчдг, утхар махмударнӕ бӕлдж, нань чигн зовалгъ гаргъдг бӕӕдж.

Миллерин болн нань чигн полицейцнрин кергин тускар мӕшклгън дуусгдв, даруд эднӕ заргънӕ болхмн. Ил заргъ Ставрополь балгъснд кегдхмн.